

度九十七億万人令得菩薩及阿羅漢道是時人民飲食當如第二忉利天上於是龍施身住佛前報父母言願放捨我得作沙門父母即聽諸家親屬合五百人及八百天神見女人龍施化成男子皆發無上正真道意魔王見衆人求佛更多憂愁不樂慙愧而歸佛說是時莫不歡喜

幹緣道者張 可暹

佛說龍施女經

本宋國嘉興府華亭縣長人鄉十六保額望塘橫涇南居奉

佛弟子葉伯安泊合家等發心施財刊造

大藏佛說龍施女經一卷所集功德用薦門中

三代内外宗親仗此良因超昇

佛界仍保人口平安祈求遂意者

嘉興二年七月 日暮緣僧 志勳等 題

佛說龍施菩薩本起經

女三

西晉三藏法師竺法護譯

聞如是一時佛遊維耶離奈女樹園與大比丘衆千二百五十五千菩薩及無央數天人時佛說經衆會皆定龍施菩薩立於佛前作師子吼嗟歎大乘說前世行積功累德不惜

形像四王

五

子

身命不計吾我無所希求白佛言過去世時有一般遮旬在叢樹下精進行道心無所着常愍十方人及蠕動之類行四等心慈悲喜護常食果蔬而飲泉水不慕世榮無所貪惜得五神通以自娛樂何等爲五眼能徹視耳能徹聽身能飛行了衆人根自知本末在其山中誦習經義晝夜不懈時有毒蛇見般遮旬晝夜誦經心大歡悅前詣般遮旬所稽首作禮取草用掃含水灑地供事道人不敢懈慢常在左側聽經不離般遮旬所說經毒蛇輒悉諷誦如是數月之中轉向冬寒樹木華果遂復欲盡般遮旬心念言冬寒以至華果以盡無所依怙我今當還止於人間便取衣鉢即欲發去毒蛇時見悲泣淚出白道人言欲何至乎道人答曰寒冷且至亦無屋舍華果復盡無以自活故相捨去欲入郡國毒蛇聞之益甚悲哀白道人言道人在此如依太山晝夜樂法其心不傾今捨我去無所恃怙

願見愍傷我身可憐道人荅曰吾有四大常當衣食以自住立今此山中亦無供具雖有慈心不能自在毒蛇白曰今此山中樹木叅天泉水流行百鳥嚶嚶甚可娛樂何爲捨焉唯願道人勿見棄捐今雖當去欲從其後奉侍道人不敢住留在此愁思但有死憂道人

荅曰卿爲毒蛇衆人所憎見者欲害無有愛樂或於道中虎狼毒虫飛鳥走獸共害汝身今實恨恨無有已已雖有是心不得自在願卿住此思道念德精進自守忍諸困厄若前強健後年復會道人悲泣投淚而去毒蛇涕零不能自止貪見道人無有極已便即上樹遙望道人觀視若行察其所避道人不現轉復上行適復不現上盡樹頭遙望道人遂遠不現毒蛇益悲自責悔言身罪所致失善道人前世愚癡多犯衆惡淫泆瞋恚闇冥放逸懈怠無知不奉精進迷亂不止其心不一不值佛世遠離正法失大智慧違遠至明從苦

刑案四至

六

子

入苦離波羅蜜墮於五道虫蛾蚤虱今受蛇身爲人所憎皆是身過不由他人天上世間豪貴無常何況我此含毒之身展轉生死譬如車輪今時毒蛇自說瑕惡身意靜然但還自責今此危身不足貪惜不顧軀命此無所着便從樹上自投於下未及至地墮樹枝間身絕兩分便即命過生兜術天得見光明即自思惟便識宿命我在世時身爲毒蛇奉侍道人行正遠邪精進不懈伏惡心魔視其身命譬如土沙知命非常自投樹下於彼壽終來生此處便於天上從諸玉女及與天子各持香華散毒地上便自說言今此蛇身雖爲毒害於我大厚終不爲薄精進行法心無所著絕其壽命得上爲天今故來下欲報其恩便復行詣般遮旬所稽首作禮供養華香嗟歎功德皆共稱譽今此道人無有等侶行大慈悲無有親疎教授一切令離三塗本爲毒蛇視如赤子憂念一切此功德大欲報其恩

何時能達適說是已便還去上兜術天皆從諸天人行詣弥勒前俱稽首作禮其心悉等平見弥勒歡喜禮畢住一面弥勒爲說法皆得無所從生天上壽終後來生於世間長者即福家作女意甚明端名曰龍施除去諸欲情時佛來詣舍眉間放光明時女在浴室志子意用愕驚便即上樓觀見佛功德正諸根悉寂定三十二相明女心即歡喜今速得安寧當供養佛法便發菩薩心時魔聞知之心子中爲愁思此女發道意盡我境界人已下變爲父具說艱惱事佛今現在世功德甚尊特菩薩多勤苦羅漢疾易得時女即對曰父言無義理佛智譬虛空羅漢如芥子猶是以觀之小道無高士佛德如巨海度人無極已時魔謂女言汝今何愚癡菩薩甚勤苦得道無有期假使欲得佛當不惜軀命從樓自投地乃知女妙英精進無所着可得無上正時女住欄邊向佛叉手言我用一切故願佛知我誠

便自投樓下速得無從生變爲男子形阿難乃驚怖叉手正衣服白佛天中天今我意甚恠此爲何等焉一切皆愚癡願佛現大明時佛告阿難汝見此女不自投於虛空轉作男子身不獨今棄軀前世亦復尔已更事万佛精進無懈止却後當來世供養如恒沙便當得作佛号名曰龍上在第一大會度脫諸天人其數難屢陳譬之如浮雲尔時佛治世快樂無有極飲食皆自然譬如忉利天於是龍施身住立在佛前報其父母言聽我作沙門父母即聽之侍從五百人及八百天神皆發無上心尔時魔愁毒悔恨無所陳龍施白佛言願憇一切人爲斷十二海除去諸苦辛用衆愚癡故多說大珍寶時佛便講法五百侍從人皆得無從生及八百諸天得不起法忍彼時龍施身便住於佛前自說過世行求道甚苦勤不用己身故但爲一切人如來之功德不可具說陳尔時般遮旬今則是世尊其

毒蛇之軀今是龍施身時五百玉女今是五百人八百諸天子共志無等倫菩薩所示現猶為有所因欲歎其功德終無能盡焉彼龍施菩薩作師子吼時無數諸天人皆發無上真一切皆歡喜作禮於佛前

女三

佛說龍施菩薩本起經

幹緣道者張 可暹

華亭縣曰砂鄉十五保青村南場中窳港北住女弟子胡王八娘發心施官券壹拾貫文 又同鄉保橫港東住女弟子王氏千娘施財四貫又王百三娘施財貳貫共刊造大藏佛說龍施菩薩本起經一卷集並功德隨彼願心悉令圓滿者

嘉應三年八月

日暮緣僧

書等

題

佛說八吉祥神咒經

吳月支優婆塞支謙譯

聞如是一時佛在羅閱祇耆闍崛山中與千二百五十比丘俱菩薩千人皆弥勒等佛告賢者舍利弗及諸比丘皆一心聽佛告賢者舍利弗東方去是一恒沙有佛名安隱囑累滿具足王如來至真無所著最正覺今現在說法其世界名曰滿所願聚去是二恒沙有佛名紺琉璃具足王如來無所著最正覺今

現在說法其世界名曰慈哀光明去是三恒沙有佛名勸助衆善具足王如來無所著最正覺今現在說法其世界名曰歡喜快樂去是四恒沙有佛名曰無憂德具足王如來無所著最正覺今現在說法其世界名曰一切樂入去是五恒沙有佛名藥師具足王如來無所著最正覺今現在說法其世界名曰滿一切珍寶去是六恒沙有佛名曰蓮華具足王如來無所著最正覺今現在說法其世界名曰滿香名聞去是七恒沙有佛名菩提合會具足王如來無所著最正覺今現在說法其世界名曰一切解說音聲遠聞去是八恒沙有佛名解散一切縛具足王如來無所著最正覺今現在說法其世界名曰一切解說佛告賢者舍利弗此諸佛如來無所著過四道不受最正覺其國土清淨無五濁無愛欲無意垢若有善男子善女人聞此八佛及國土名受持奉行諷誦讀誦廣為他人解說其